

der Kinder  
Israel.

vnd namen / von zwenzig jaren vnd drüber / was ins Heer zu ziehen tuchte / wurden zum Stam Naphthali gezelet / drey vnd funffzig tausent vnd vier hundert.

**D**IS sind / die Mose vnd Aaron zeleten sampt den zwelff Fürsten Israel / der ja einer vber ein Haus jrer Väter war. Vnd die summa der Kinder Israel nach jrer Väter heuser / von zwenzig jaren vnd drüber / was ins Heer zu ziehen tuchte in Israel / der war sechs mal hundert tausent vnd drey tausent / funff hundert vnd funffzig. Aber die Leuiten nach jrer Väter Stam wurden nicht mit vnter gezelet. Exod. 12.

Stam  
Leui.

**U**ND der HERR redet mit Mose / vnd sprach. Den Stam Leui soltu nicht zehlen / noch jre summa nemen vnter den Kindern Israel. Sondern du solt sie ordenen zur Wohnung bey dem Zeugnis / vnd zu allem Gerete vnd allem was dazu gehöret / Vnd sie sollen die Wohnung tragen vnd alles Gerete / vnd sollen sein pflegen / vnd vmb die Wohnung her sich lagern. Vnd wenn man reisen sol / So sollen die Leuiten die Wohnung abnemen / Wenn aber das Heer zu lagern ist / sollen sie die Wohnung auffschlahen / Vnd wo ein Frembder sich da zu machet / der sol sterben. Die Kinder Israel sollen sich lagern ein iglicher in sein Lager vnd bey das Panir seiner Schar. Aber die Leuiten sollen sich vmb die Wohnung des Zeugnis her lagern / Auff das nicht ein zorn vber die Gemeine der Kinder Israel come / Darumb sollen die Leuiten der Hut warten an der Wohnung des Zeugnis. Vnd die Kinder Israel theten alles / wie der HERR Mose geboren hatte.

## II.

Lager  
der Stimme  
Israel.



**U**ND der HERR redet mit Mose vnd Aaron / vnd sprach. Die Kinder Israel sollen für der Hütten des Stiffts vmb her sich lagern / ein iglicher vnter seinem Panir vnd Zeichen / nach jrer Väter haus.

**G**egen Morgen sol sich lagern Juda mit seinem Panir vnd Heer / Ir Heubtman Nahesson der son Amminadab / vnd sein Heer an der summa / vier vnd siebenzig tausent vnd sechs hundert. Neben im sol sich lagern der Stam Isaschar / Ir Heubtman Nethaneel der son Zuar / vnd sein Heer an der summa / vier vnd funffzig tausent vnd vier hundert. Dazu der Stam Sebulon / Ir Heubtman Eliab der son Helon / sein Heer an der summa / sieben vnd funffzig tausent vnd vier hundert. Das alle / die ins Lager Juda gehören / seien an der summa / hundert vnd sechs vnd achzig tausent / vnd vier hundert / die zu jrem Heer gehören / Vnd sollen forn anziehen.

**G**egen Mittag solligen das gezelt vnd panir Ruben mit jrem Heer / Ir Heubtman Elizur der son Sedeur / vnd sein Heer an der summa / sechs vnd vierzig tausent / funff hundert. Neben im sol sich lagern der Stam Simeon / Ir Heubtman Selumiel der son Zuri Sadai / vnd sein Heer an der summa / neun vnd funffzig tausent / drey hundert. Dazu der Stam Gad / Ir Heubtman Eliasaph der son Reguel / vnd sein Heer an der summa / funff vnd vierzig tausent / sechs hundert vnd funffzig. Das alle / die ins Lager Ruben gehören / seien an der summa / hundert vnd ein vnd funffzig tausent / vier hundert vnd funffzig / die zu jrem Heer gehören / Vnd sollen die andern im ausziehen sein. Sup. 1.  
Reguels

**N**ach sol die Hütten des Stiffts ziehen mit dem Lager der Leuiten Lager mitten vnter den Lagern / Vnd wie sie sich lagern / so sollen sie auch ziehen / ein iglicher an seinem Ort vnter seinem Panir. der Leuitens

**G**egen Abend solligen das gezelt vnd panir Ephraim mit jrem Heer / Ir Heubtman sol sein Elisama der son Ambud / vnd sein Heer an der summa / vierzig tausent vnd funff hundert. Neben im sol sich lagern der Stam Manasse /